

船

山

詩

草

船山詩草卷十一

遂寧 張問陶 仲治

京朝集

甲寅

甲寅元日散朝與熊介茲飲酒

漸減兒時趣新年亦淡然喜君同懶慢忘我不周旋  
雞黍貧難具壺觴靜可憐萬家簫管外相賞似林泉  
春日遣懷

涅槃已入又如何常苦空門議論多萬事總憑天位  
置不爲仙佛不爲魔

蟬癡螳黠總關情與世推移過一生平等觀人惟我輩不知何事得狂名

論詩十二絕句

咸英何必勝簫韶生面重開便不祧胥吏津津談律例可能執法似臯陶

五音凌亂不成詩萬籟無聲下筆遲聽到宮商諧暢處此中消息幾人知

胸中成見盡消除一氣如雲自卷舒寫出此身真闊歷強于釘飯古人書

憑空何處造情文還仗靈光助幾分奇句忽來魂魄

勤真如天上落將軍

躍躍詩情在眼前聚如風雨散如煙敢爲常語談何  
易百鍊功純始自然

想到空靈筆有神每從遊戲得天真笑他正色談風  
雅戎服朝冠對美人

妙語雷同自不知前賢應恨我生遲勝他刻意求新  
巧做到無人得解時

子規聲與鷓鴣聲好鳥鳴春尙有情何苦顚預書數  
語不加箋注不分明

此事原非俗士知何須刻燭強爲之尖又競病全無

礙怕讀人間趁韻詩

文章體制本天生祇讓通才有性情模宋規唐徒自苦古人已死不須爭

雕文鏤采太紛然開卷沈沈我欲眠人口數聯詩好在不在災梨棗亦流傳

名心退盡道心生如夢如仙句偶成天籟自鳴天趣足好詩不過近人情

倉史造字圖爲淵如前輩題

兩粟樓中文字古虬龍蛇蚓爭飛舞直奉侯剛作初祖一區畫象憑空補虛堂穆穆圖聖倉炯然四目飛

靈光上古游魂聚三五哭聲動地天昏黃我聞倉頡  
天生造書契鳥迹獸蹄聊會意咄咄書空畫不休安  
知黑夜非遊戲後人學古徒斤斤七十二代何紛紜  
周官保氏驚殊體太尉家兒奏說文不見其首見其  
尾爲古人愚終不悔相斯史籀李陽冰恐皆當日吞  
聲鬼先生下筆如有神一心變化憑天真深知作述  
皆靈妙默契軒轅舊史臣揚州羅聘有仙筆畫鬼能  
令真鬼出戲爲先生作此圖聖狂人鬼聲啾唧識字  
人如黃帝史畫鬼人如吳道子落筆神光騰十指從  
前故鬼都心死君不見頰添毫雲掩月髣髴傳神更

奇絕又不見漢劉蕡周武壘異文嚮壁能虛造萬事  
茫茫不可知鬼神狡獪書生癡八分真草已三變重  
創奇文亦不遲我醉題詩興超忽烏焉滿紙無分別  
仰天大笑筆花飛肯守骷髏眼中血吁嗟乎昨日之  
日今日又斬新好古不泥真通人

自警

淺斟對新婦冥飲不敢出平生醉後多譚言明日常  
疑有酒失故人置酒偏招我日日敲門急于火終恐  
田蚡殺灌夫糟邱臺上談因果吁嗟乎飲酒不師衛  
武公三爵不識當終凶

弔故遊擊史公天祿

蕭山人

怪鳥嚶然百種鳴  
文人從古愛相輕  
久疑薄俗多名士  
轉恨狂歌失老兵  
醉後有時耽女色  
眼中何處著書生  
自慚不是龍門史  
強爲英雄寫性情

正月十日王葑町給諫筵上贈吳穀人

錫麒

前輩

醉後相逢不忘祖  
高曾兩世爲賓主  
七十年來幾興廢  
兩姓元孫前後輩  
先生乙未我庚戌  
編修檢討同簪筆  
相望遙遙已七科  
那知一見情原密  
廉吏兒孫不送窮  
先生也笑空囊空  
好書嗜酒耽佳句  
難得浮



生事事同因緣未了星霜換五世滄桑如掣電人海  
茫茫真夢幻舉杯忽此同歡醺記取眼前王給諫

贈韓介堂

廷秀

同年時新選陝西平利縣

慷慨論交不厭深恨無好語作官箴入關詩要英雄  
氣經世人須父母心錢躍囊中防痛哭書題判尾費  
沈吟褒斜是我還鄉路他日來聽單父琴

介堂旋開  
改訓廣西

馬平

寄懷李許齋

時官浙江  
華豐縣

聞君爲政有聲名感觸三年萬里情考願陽城能下  
下詩如袁叡莫平平書來天上人爭讀官在山中夢

亦清我欲浮家竟東去買魚沽酒問烏程

錢忠懿王金塗塔詩朱石君師命作

錢王鑄塔塔精巧八百餘年尙完好吾師好古偶得  
之入手崢嶸一峯小心憐靈物在泥滓拂拭神光貢  
天子預榻真形留數紙傳觀共訝奇如此我聞吳越  
當年兵馬雄霸才獨守錢江東坐看五代等兒戲千  
戈篡亂殊念念父子祖孫兄及弟四王三世傳忠懿  
虎視眈眈不負岵迎周歸宋知天意維王慷慨承貽  
謀直與武肅文穆忠顯同千秋英雄布施豪于佛納  
工能捐十四州只今幾度滄桑變冷落天涯表忠觀

萬事銷沈一塔存。巋然如見靈光殿。塔高五寸文曰  
保壽齋書名時乙卯作制精嚴畫象奇。不煩考訂愁  
荒渺。我知神物關忠義。不比尋常藏舍利。王心卽佛  
心。精神之所寄。不聞旃檀香。但覺風雲氣。恍如鐵券  
昭靈異。色正芒寒天廟器。世人佞佛佛不知。佛以無  
我全其慈。卽看賢王禦亂保吳越。何異尺毗割肉時  
吁嗟乎金剛不能壞。忠孝不可忘。後有錢宏俶前有  
阿育王。人天八萬四千塔。一潭一月騰輝光。君不見  
神僧捧剎入雲去。更爲昇平世界祈禎祥。

送黃春帆

炳奎

之湖南

時年二十五癸丑分發知縣

宮達年猶少衡湘羨此遊名高新進士權重古諸侯  
春色連喬口湖聲動岳州雲山曾識我爲問水邊樓

甲寅上元時帆前輩招飲早過詩龕不候諸  
客先歸越日先生投札索賦詩龕謫集詩分  
韻得去字且以三日爲約戲作二十韻奉報

無客我先來客來我已去尋常杯酒閒亦有遇不遇  
主人揖客客當筵索奇句分韻如分茅各挾封侯具  
驍駟躍天廐戈鋌環武庫忽憶脫羈鷹翻空杳何處  
駢駢走蒼頭敲門投尺素下令如追逃開緘令人怖  
刻期催賦詩立限三朝暮如繫楊腹人鞭笞素帛布

如強無衣人違心歌五袴威如丞相嗔突若將軍怒  
民窮尚烹剝兵逸又招募思之復思之鬼神不來助  
懷書忽長笑翛然百無懼勢迫出奇謀心空生妙悟  
談笑謝主人下筆不能住不是詩龕詩或有詩龕  
詩非我所長我與詩何與且聽踏燈歌小人無遠慮

初春感興

几榻同書借衣裘爲酒貧皇皇三寸筆草草一家人  
性僻謀生拙心慙處世真居然窮不死高枕過初春  
米貴思春俸詩書漸不親忍飢辭債主烹雪祭錢神  
路踣那揄鬼天窮志氣人自傷青白眼何處識金銀

二月五日生女

自笑中年得子遲  
顛狂先賦弄麈詩  
那知繡榻香三日  
又捧瑤林玉一枝  
事到有緣皆有味  
天教無憾轉無奇  
女郎身是何人現  
要我重翻絕妙詞

贈王秋塍

文字緣深結古歡  
與君應作弟兄看  
逢時莫羨凌雲賦  
經世終須有印官  
仙吏才高多際遇  
詩人情重愛團圓  
樂匆匆十日平原飲  
祇覺花時送別難

花朝陶然亭公餞王蘭泉先生予告歸里

七律  
二首

高軒過我氣如虹  
雪髮霜髯顧盼雄  
曾闢雲山遊戒  
外尙驚笳鼓夢  
軍中東南名士  
推前輩輦轂詞  
人拜  
下風莫訝江湖歸  
權晚君恩畱許  
待春融

離亭舉酒故交稀  
話舊還攜老布衣

兩峯

望闕情懷

原戀戀憐才心事最  
依依四筵名字停盃  
問二月風花拂面  
飛笑指春明門外  
路公卿頭白幾人  
歸

上巳孫少迂

銓

邀同徐壽徵

明理

吳寄廬

鉉

際杲上人釣魚臺  
修禊大醉騎驢歸  
卽事有  
作

孫郎招四客神情絕  
竒古韓康隱于醫  
夷吾託于賈

佛子枯如木酒人猛如虎修禊釣魚臺臨風各飛舞  
天桃正作花朱霞照溪浦煙波混林壑新柳迷邨鴉  
樹底羅盃盤滿衣落紅雨探手拾輕脩攢眉避遊女  
舉酒忽狂歌鯨吞忘賓主人生重知己升沈何足數  
此時不痛飲太覺生人苦

庭中丁香盛開飲酒花下作

卯飲三春醉丁香一樹開雨聲窗外歇花氣月中來  
笑我無心得何人信手栽繞枝晴雪滿蝶影亦裴回  
庭中別有紫丁香一株樹小花繁尤楚楚可

愛



一樹宛陵紫迎風碎可憐替誰含舊恨爲我結新綠  
春色重簾外花光細雨前客窗全仗汝粧點豔陽天  
三月六日王對亭給諫招同羅兩峰山人吳  
穀人編修法梧門祭酒董觀橋吏部徐后山  
趙味辛兩舍人童春厓孝廉繆梅溪公子載  
酒游二閘遇雨醉後作歌卽題兩峯所作大

通春泛圖後

五年不到東城東夢中煙水青濛濛城南飲酒亦殊  
苦酒入深盃雜塵土酒戶本無多此口都嘗遍知我  
還推王給諫獨買扁舟作春泛今年旱極風如虎遊

人氣與沙吞吐好雨剛隨我輩來蛟魚也欲衝波舞  
大夫有方舟一雙畫舸乘中流人心作奇氣水面如  
清秋舉觴一笑十人起推饒竟作江南遊驢挽船雨  
攪酒眼前逸趣誰能有事到回頭便赧然青驪尾後  
空奔走船窗起寒色促膝還相依米囊覆背那可得  
忽從醉後披朱衣彷彿紅雲龍我欲霞舉一川鷺鴨  
皆驚飛坐中老畫師筆墨老游戲傳世思傳神作圖  
如作記船篷一簇綠波細前載賓朋後奴隸舟子廚  
人上墨痕飄飄皆有凌雲意吁嗟乎此景原非天下  
無難得一時賓主無迂儒神仙翫世偶然耳索詩何

必如追逋君不見百年似夢無蹤迹一霎靈光真可惜只恐他日狂生飛上天精神奕奕無人識船頭記取紅衫客

采桑曲

心蘭詩會題

稱蠶蠕蠕一寸長千頭簇簇穿翳桑天地生桑作蠶食一日不食蠶已僵春來無雨桑林禿少婦提筐向蠶哭溫風如火逼人來擁鼻空吟采桑曲吁嗟乎蠶不飢人不寒蠶飢忽如此歎君何處誇羅紈羅紈織千絲絲絲耀金紫賣作貴人衣衣成蠶盡死蠶死不復生衣成不必稱得值球飢寒民乎猶有命陌上桑

枯蠶亦病誰能空手談蠶政黃塵撲面風捲沙倚牆  
矮樹啼昏鴉忽憶朱門正歌舞吳綾一曲爭繁華吁  
嗟乎吳綾一曲真豪舉不知羣箔春蠶細如縷豈獨  
春蠶細如縷君不見道旁餓殺采桑女

題味辛古藤書屋圖

卽竹垞  
舊藹

藤作古時花屋讓今人住花定好于人人去花不去  
今人愛古人看花有餘慕花氣撲人來古人渺何處  
花時且飲酒莫破古人誤不見東南風吹花落無數

四月六日同少白尊一兩同年遊草橋遇淵

如前輩自津門歸遂同過慈應寺三官廟看

花竹

出郭居然悟昨非東風開到野薔薇  
水迎殘照光逾活山擁奇雲勢欲飛  
舊雨同心容笑傲重城回首辨依稀  
田園景物居然好慚愧春歸我未歸

草橋南望正裴回忽訝輕車傍水來  
事到偶然如有數詩從真絕轉無才  
卽看古寺遊將遍莫歎名園喚不開  
風竹一林花數點征衣同爲拂塵埃

贈徐壽徵

風塵休歎訂交遲早已聞聲未見時  
冷眼看空游狹傳熱腸湧出性情詩  
感入真氣無如孝醫命神方不

在奇我本儼蒙忘禮數請君規諍莫相疑

四月十一夜作

一杯清酒破愁顏不掩虛窗夜色閒  
簾外晴雲猶帶雨月中高樹忽如山  
劇憐妻女人三口枉古風塵屋  
數間薄宦浮名俱可笑騎驢何日劔門關

鞦韆

秋千影裏樹縱橫環珮聲兼笑語聲  
儘汝飛騰誇麗利有人推挽覺身輕  
空中撒手應仙去高處回頭要  
眼明我是旁觀花底客春懷撩亂惜卿卿

四月十五日病齒朱少仙

文治同年手擷園

中新竹葉一叢見贈煎水服之立愈作詩謝之

酒人之病從口入醞釀之間短兵接左齒齟齬勢漸  
高齟然出類如相脅平生嗜酒不嗜肉脣舌爲奴齒  
何涉撫頰若含瓦探喉若吞炭哀哉不能言當食無  
三款抱頭如鼠空奔竄舉酒還思爵無算同年朱少  
仙仙仙能醉舞新拜醉鄉侯深憐酒人苦靈苗采采  
奇方古一簇新篁猶帶雨都人貴竹如菰苓一竿入  
市千人爭君從何處得堆案清風清茶鑪火活手親  
煮耳中隱隱聞瓶笙水甌細注蟹眼突瀟湖一碧波

無聲冷泉乍激肌生粟心肺寒僵變成絲如靖紅雲  
齊出谷居然一戰平蠻觸火雷噬噓地雷復箴之剛  
應蒼筤竹吁嗟乎不飲令人枯無竹令人俗明日從  
君看此君相逢更乞杯中醪

五月初二夜賊入飛鴻延年之室盡卷壁上

書畫去作詩紀事

平生有天幸遇賊亦不俗留我杖頭錢令我瓶中粟  
脩然如采東籬菊篆隸丹青三五幅雖取不傷廉雖  
多不爲虐是爲盜之聖高風羞跼躑席卷奇材入囊  
橐文章福命何曾薄吁嗟乎不重泉刀藁風雅悠悠



誰是知君者我愧管夷吾君真可人也胡爲乎入不  
言分出不辭英雄失路甘啗啞我有一斛酒可以銷  
長夏酌以鷓鴣勺覆以秦漢瓦一樽黑夜堪同把倘  
肯重來悄語細論文不妨大家痛飲西窗下

贈吳寄廬

古人警車笠在心不在口刺刺傾肺腑安知非損友  
平生雖踈放所交必謹厚十年客江湖十年遊京師  
中年候已近世味尤差池過眼百萬人飄若浮雲馳  
蒼狗變白衣浮雲亦狡獪意外得吳君劃然心一快  
欲著結交詩嗚呼交道壞還處譚金蘭逢人指天日

悠悠輕薄兒無物非膠漆君有可否心君可交者一  
熱客朝登堂豪門暮投刺屈我父母身逢迎無不至  
君有羞惡心君可交者二面如十月冰胸如萬丈潭  
小人善籠絡陰險不自慙君有溫厚心君可交者三  
肝膽自秦越談笑忽昆季鬼神巧愚弄直以人爲戲  
君有朴拙心君可交者四藏心不可測發言無可取  
覲顏作名士于我終何補君有經濟心君可交者五  
文人每相輕鄙人每多欲貪人競錐刀貴人殉金玉  
君無商賈心可交不止六嗟君不得志市廛聊涸迹  
平心對世人日中且交易轉惜士大夫欽欽抱錢癡

我初與君友頗爲流俗怪豈知烈丈夫相賞形骸外  
管鮑當貧時賈焉亦何害矧君名家子嶽嶽龍鸞姿  
讀書不求官此意吁可知男兒重孝義貂蟬何足奇  
鶴蓋集吾門鴻文駭我目不如君子人可以慰幽獨  
君有賢子孫畱詩子孫讀

寓齋新插葦籬

溼葦編籬壁黃雲一帶斜神情寒士氣風趣野人家  
嫩綠分瓜蔓輕紅隱豆花偶逢門外客含笑問京華

題李芭泚小照

澱江抱明月見月不見水妙手爲傳神見水不見紙

筆墨有性靈水月無終始船頭抱鄰人詩情定如此

寄簡齋先生

公八十我三十前世已堪稱父執我庚戌公己未二  
十三科前後輩人海何茫茫望公如隔世因緣畢竟  
緣文字忽枉隨園一紙書纏綿五十年前事五十年  
前事可知先生不恨我生遲似將戲語分明寄曾見  
而翁年少時老親七十顏皤然識公應在庚申前倉  
山花柳眉山月兩地而今鬢如雪大江南劒門北天  
涯聚散無消息何意兒童數首詩重聯音問如疇昔  
鄉書昨夜到都城老親問訊心忤忤極喜翻成譽兒

飛敢憑驛使呈先生先生展牘疑今古定對長江欲  
飛舞我願先生奇興一發不可收飄然竟作凌雲遊  
手弄桃枝竹足濯涪江流老親扶杖迎仙舟白頭對  
酌麻姑酒彷彿神仙人世同攜手使我西南士女謔  
作傳奇傳不朽

排悶

黑雲隱隱送輕雷黃鵲籬邊酒一杯戲掬餘糧瀉牆  
角笑看雛鴨鬧成堆

寄懷亥白兄壽門弟

官冷歸心熱鄉山入夢青  
言情詩有味排悶酒無靈

肅肅憐鴻雁搖搖歎驂鴿玉川貧已慣何日賦添丁  
題師芭塘潤州春望圖

春水茫茫鐵甕易迎鑾江上雨初晴樽前回首真如  
夢畫裏看山尙有情萬里帆檣遊早遍十年湖海氣  
難平他時還擬乘潮去便守金焦過一生

題朱少仙同年詩題後

語不分明氣不真眼中多少僞詩人嘔來祇覺心無  
血塵去還誇筆有神自笑文章原小技誰知靈蠢亦  
前因喜君一卷新詞句竟作空山獨角麟

秦節婦江氏詩

生憐妾死遣妾夫疑妾如花妾心如落葉妾無子嫡  
有子夫亡嫡又亡妾死不可死十二妾事夫十六妾  
生女十七撫遺孤兒乳女亦乳四十年來生氣吐女  
爲人母兒人父指中血山中壙兩世朱棺妾能葬竈  
多安兒長成嫡如未死夫如生人悲江氏節我慰秦  
家鬼林彫樹再春燕飛巢不毀堂堂絡秀難專美

袁二峯

珙

以喬木高居畫扇見貽作詩謝之

一葉大于人一鶴高于屋畫神不畫理神足理亦足  
展君聚頭扇岡巒倏起伏紅樹染疎林清溪抱叢竹  
遠峯涵夕照淡影還成簇秋氣入松聲山光爲之肅

嗟予別故鄉久拋雲水福驅馬東華門塵沙空逐逐  
感君畫中意不肖令人俗一笑更披襟好風時滿握

六月初七日快雨

紫電掣雲飛霹靂四面旋風吹雨急漫天懸酒響淙  
淙一院人禽齊屏息疎簾晝黑窗不明但聞風聲雷  
聲雨聲併一聲門開湖海入水迸蛟龍爭轟然拔宅  
欲飛去我亦憑空竟擬騎長鯨騎長鯨興超忽風雨  
雲雷一時撤青天特地懸新月

夏日簡葑亭給諫

兩家奴僕遞詩筒不管愁中更雨中識字縱然憂患



始論文難得性情同才能玩世憐方朔交爲忘年愛  
孔融誰解張王新樂府一枝紅是一枝空

卽事

懶學嵇康論養生偶圖溫飽亦人情呼僮不應官無  
勢寫券如飛筆有聲萬卷窮年遮醉眼一錢何處賣  
詩名誰知措大登朝後轉勝山居氣味清

余不喜作樂府心蘭詩會中有以行路難命  
題者戲作此應命一笑而已

行路難不在登高山高山之高直到天安知不能竟  
憑雲氣成飛仙行路難不在浮大海大海風濤絕瀟

灑安知不能漂向蓬壺住千載爭利必于市爭名必  
于朝難莫難于走平地都城落日風蕭蕭風蕭蕭沙  
入口馬勃牛溲無不有朝謁城東客暮飲城西酒九  
陌直如絃軒車平似手一里二里間五年十年走終  
日皇皇喪家狗公卿將相不能唾手得囊破還畱一  
錢守鞠墨場冠蓋蔽悠悠車笠盟逢人多白首青山  
人夢鄉心陡行路難難乎否

徐節母殷孺人詩爲壽徵作

徐君執冊向予泣欲言未言轉嗚咽躍躍孝子心微  
又一何急我無文人文能傳節母節使筆如心心有

血作詩猶足揚風烈不誦柏舟篇不和黃鵠歌請例  
士大夫立身難易當如何俗儒不安貧才士窮愈躁  
勉強父母前談忠不談孝節母未字時恂恂遵姆教  
簪蒿覆布何清妙到邢病中友管鮑貧時交男兒重  
意氣此誼何寥寥節母相夫子十年如一朝持籌稱  
樂忘其勞子忍絕裾行臣降望塵拜大義在君親丈  
夫能敗壞節母奉衰姑夫亡心不懈冰蘗與甘旨兢  
兢兩無礙五夜靈光通覆載此心劃斷人禽界程嬰  
存趙孤諸葛輔後主君臣朋友閒此風抑何古節母  
幸有兒有兒久無父傷哉慈母慈深于苦節苦娶婦

生孫孫念祖百年世系今重譜大疫不入門奇荒幾  
絕粒赤手葬三棺精誠何可及一日旌門萬古榮祇  
覺清風肅肅吹都邑吾聞洞庭山脈蟠根厚母節應  
如山不朽我識徐君磊落人風塵却訂山林友太湖  
南望時搔首何日登堂同拜母君舞老萊衣我進延  
年酒請攜此曲隨君後譜入絃歌爲母壽

壽沈節母爲沈君銓作

英英堂下芝籊籊庭中竹母壽令人喜母節令人肅  
膝前有佳兒奇書無不讀豈獨奇書無不讀寫生能  
使徐黃服抱節松延壽菊何不揮毫千萬幅挂向北

堂爲母祝待我登堂奉酒時酬賓也酌杯中醪我能  
一幅雲箋題一曲

六月九日與葑亭給諫飲酒作

江南桃花魚滄州菊花酒舉箸何清奇差不負此口  
菊花酒冷香益真桃花魚小青無鱗燈前醉飽戲相  
祝飲食壽康秋復春

頗有謂予詩學隨園者笑而賦此

詩成何必問淵源放筆剛如所欲言漢魏晉唐猶不  
學誰能有意學隨園

諸君刻意祖三唐譜系分明墨數行愧我性靈終是

我不成李杜不弔王

病懷

病懷陡覺五更涼  
伏枕難銷夏日長  
排悶豈能常斷酒  
憂貧無暇更思鄉  
繁華夢少官逾冷  
潦草詩多句易忘  
稍喜催租人不到  
雨聲圍住讀書堂

聞蟬六月十五日作

倚檐高樹靜落日  
乍聞蟬秋氣將歸  
否鄉心爲颯然  
飛聲疑暮雨清聽  
人風泉夢落青山  
外濃陰屋數椽

自題門簿

賓客簿也官京朝者戶有之

當關氣不揚門簿殊草草書客名客名亦何少  
主人日高臥幾不辨昏曉偶然聞剝啄竟以客爲寶  
客來時對飲杯中不見斜陽影客來或狂叫各誦新  
詩呼絕調主人不送客亦去只當人閒偶相遇今日  
書其名明日書其字寥寥三五人變化書之苦無諡  
日計不嫌孤月計不嫌複翩翩三五人已覺有餘無  
不足君不見翟公門外堪羅雀此簿裝成且高閣當  
關莫歎門常閉門前更有催租吏

戲作

大迎熟客爭搖尾鵠聽狂歌亦點頭彷彿野人山鴈

裏一蟬聲散一林秋

責蠹魚詩

京師寓齋蠹魚能敵人肉墳起甚千蚤蝨所  
不料也作詩積之

蠹魚不食神仙字破壁敵人真怪事粉鮮鮮細何其  
驚引簇環攻直芒刺視肉如殘書鑽研無不至羊棗  
昌蒲菹居然有偏嗜日巡簡捫夜巡人饕餮何殊虎  
生翅我昔捫之疑蚤蝨蠕蠕不似蚊蠓螫百年同是  
蠹書蠹意外安能防此賊天生萬物原相食強弱終  
須稱其職魯敢吞舟人喫魚蠅能射影人擒蠅舉世



無如倮蟲巧炮鳳烹龍鹽其腦讓汝蕭齋紙一堆埋  
頭亦可終身飽胡爲乎文章滿腹違天性素蟣叢中  
字亡命不用芸香細草薰攤書縱汝從寬政書開香  
拂人蠹走怯如鬼詩成大笑蠹亦悔我方搔背蠹搖  
尾下

劉山魃升張僬僥芳合詠

一僮短小如僬僥一奴長細如山魃奴能鈔書僮識  
字一屋高低有奇致先生或賦詩僬僥磨墨亦若有  
所思詩成弃其草山魃繕寫偷作床頭稿先生燕居  
宮閉門僬僥侍立如無人先生出游行頗速山魃一

過市人縮先生醉後山魃扶僬僬趯趯猶提壺先生  
貧極僬僬瘦山魃搖搖如學究僬僬喜山魃愁笑啼  
幻作雙獼猴山魃立僬僬坐俯仰雲泥人兩箇山魃  
一嗽僬僬驚忽如天半聞雷聲僬僬一怒山魃伏左  
右如葵衛其足吁嗟乎先生無聊祇好奇僬僬山魃  
亦頗落落無威儀無威儀先生恕山魃文僬僬趣

六月十七夜雨喜籬間瓜豆可長枕上作

雲氣不可測晚涼天乍晴破窗猶月色飛雨忽秋聲  
檐溜三更急庭蔬一夜生來朝課僮僕殺草當山耕

六月十九日同何研農前輩遊法源寺

赤日蒸濃雲蟲蟲飛液雨垂簾棄巾襪書伏遂如風  
揮汗謝詩債捫腹辭酒人泥淤塞短巷門外無車輪  
有客搖羽扇飄然何處來邀我遊世外避暑蓮花臺  
是身如輕塵因風任吹去入寺聞疎鐘金仙已神過  
松檜何青蒼千蟬競幽咽閒僧掃槐花一院驚黃雪  
齋魚恰亭午喔喔雞爭鳴餽獸亦可觀舉盞寂無聲  
飢腸如轆轤忽逐輕雷響揮手各還家一杯聊獨享

胡城東

唐

刻船山小印且僧作歌謝之

胡君鑄石石不死一片靈光聚十指得心應手有神  
九不怕酸風射眸子淺鏤深鏤疑鬼工精妙直過王

山農黃金一簾鐫一字紅泥的的真能事世人求不  
得我亦不敢求忽向空中貽佩印使我高懸肘後如  
封侯其下蟠朱文其上作獅紐朱文宛轉署船山獅  
紐鬚髻直芻狗君不見百年入世同枯朽漫說無傳  
傳亦偶刻銘書相斯沈碑誇峴首千秋萬歲名悠悠  
一杯酒金石之功累良友狂來欲叱精靈守吁嗟乎  
狂來空叱精靈守又知此印他年落誰手

題歐陽公南唐官研記拓本爲法梧門祭酒  
賦硯藏鐵冶亭侍郎家

研背森森數行字歐陽手記南唐事詩龕主人拓向

石經堂墨本照人融冷光開冊儼如碑半截小押分  
明印無缺文成一百六十五轉眼興亡慨今古公昔  
得硯二十年不知研出南唐研務官江南老人爲指  
示一聞故國心淒然皇祐遡長興中閒百年耳遺聞  
傳不傳艱難已如此何況世隔于秋萬物生生不  
止忽無忽有忘終始天海茫茫考證難畧憑幾卷名  
山史石不必出于媧皇鑪匠不必巧于工倖手人中  
但遇有心人一硯也能傳不朽研兮縱有精靈守石  
不能言文爲剖卽今得所歸因緣亦非偶詩龕主人  
紙一幅石經堂中墨一斗研兮好結忘年友鐵侍郎

法祭酒論才望皆歐九

題魏春松比部

成憲

西苑校書圖

萬葉黃雲簇瑤殿朱扉向日層層見宮牆繞池流玉  
沙風荷影裏排書案魏公西苑校書時家中嶽嶽紅  
鸞姿黃衣小史捧丹冊堆向眉前高一尺平生識字  
眼如月靈光一照烏焉突紙聲瑟瑟如有風手揮萬  
卷心融融龍綃麟筆神仙侶飛上紅橋隔花語天風  
拂人衣帶寒九霄夏日殊人間金銀樓閣參差起天  
上讀書天亦喜歸來作圖拂絹素指點嫋嫋夢中路  
芸香小卷付千秋脈望如環不能盡

玉河洗象歌

大象巍然如斷山轟轟逐隊浮波閒象奴狡獪殊得意奴心視象如遊戲象身入水中象奴一躍如騰空象背出水面象奴穩坐供流玩一象乘流衆象隨象奴左右揚其威衆象歡騰一象怒象奴狎侮知其故象大偏能畏象奴象奴驅象如牧豬玉河水淺難容象象到水聲高數丈象奴無官象有俸象竟甘爲奴所弄象賜休沐象奴洗象伏強因象奴起象今有齒不焚身一揮大鼻驚千人飲河噴作晴天雨噴水分開兩岸塵象鼻如龍百無懼象奴擁鼻還成趣君不

見象跡不敢勞象奴鼻卷象奴人城去

贈邵五 蘇祺

長爪郎玉川于詩中作鬧鬧不止忽歌忽哭忘其死  
當其下筆時與會忽感舉離離奇奇不知作何語或  
嚴如天神或麗如好女或如錦繡段或如黑風雨如  
鬼叫墟墓如囚歎囹圄興到想千秋悲來思一炬使  
人讀之欲殺欲割疑神疑鬼心雖不能服聽之殊灑  
灑我亦付之可解不可解譬如燃犀一照妖魔駭今  
人有邵五欲敵古人古終日遊醉鄉詩隨酒氣吐左  
三升右一鬴閉門吃吃笑對客蹲蹲舞醉中往往發



奇興一句兩句頗學馬異劉叉恣笑侮聲裂五月雷  
力破千鈞弩呼嗟狂生狂幾于武夫武世人咄咄痛  
罵呼之爲怪物竟將揮之天外不許爲儔伍昨日扣  
我門對我氣消沮自傷句奇語重大不理于口欲我  
創爲新論大張旗幟爲之輔不知皇天雨粟抵生乳  
我爲空言亦何補笑沽酒一壺佐之以棗脯勸君無  
太奇太奇徒自苦君今負此才神勇自可賈何不支  
解歌利王大振金剛杵禹鼎神姦亦須鑄虞廷琴瑟  
亦須拊以任華學杜甫援揚墨人鄒魯倒瀉天河澆  
肺腑先使腎腸心腹歷歷清可數然後坐拭軒轅鏡

靜照九州土使彼五蟲萬怪攝入清光俱不腐好句  
從天來倘來亦無阻不必手持牛耳爭作騷壇主消  
遣百年身亦足忘寒暑胡爲乎攢眉閉目苦咽菖蒲  
俎不食人閒禾與黍君詩似我詩幾不辨爾汝如以  
毒攻毒毒大恐成蠱願君爲麟莫爲虎麒麟來虎如  
鼠

七月十四日偶然作

風葉乍飛僮未掃秋花新買婢分栽竹牀與婦攤書  
坐恰好鄰人送酒來

疎籬一曲繞階斜風葉幡幡四面遮更有關心王給

事書來催種水蒔花

閉門朝暮困追呼短幅長箋次第塗莫重錢刀輕筆  
墨近來詩債勝催租

老樹盤風勢若傾怒雷馳電欲東行黑雲只擁天西  
角晴日暉暉照雨聲

送簡州州判張水屋

道渥

之任

自號張風子  
好騎驢故又

號騎驢  
公子

驢背逢人笑不休到無蟹處作監州憑君畫盡奇山  
水莫負天教鋤外遊

萬里鄉心繞夢思送君重憶別家時關情情盡橋邊

柳付與風人好護持

雁行小吏逼人來十樣蠻箋信手裁如此麤官如此筆西川節度要憐才

嘗酒花豬太等閒巴歌渝舞不開顏故鄉無物堪持贈只有盤空十萬山

七月五日穀人前輩招同葑亭給諫小飲寄

園花下

蝴蝶花開一兩枝美人蕉豔早秋時飲如犀首同無事卷似牛腰各有詩冷淡交情忘少長疎狂生計費支指樽前賓主更番作好貯官錢作酒資

新秋七日風雨乍涼作此遣興

屈指三庚次第過客懷無奈早秋何  
林光薄暮常疑雨月色迎涼似有波  
天意漸如人意好閒情原比宦情多  
竹床歸夢連宵遠我欲臨風解玉珂

畫扇贈錢雲巖

福胎

編修令子新梧

桐題雨

絕句

錢郎十二已英妙能誦盧仝月蝕詩  
却似卷阿桐一樹露華新長鳳凰枝

題畫

壞槩閣船頭涼風鼓篷背舟過水無聲  
波光衝不碎

懸厓如可掇老樹忽成隊敬告圖中人急流當勇退

題畫

青山隱約雨三峯一抹秋光畫不濃記得錦官城內  
外萬家煙雨看芙蓉

題淵如前輩瑞松圖

庭際枯松生梁閒靈鬼避畫松不畫鬼愛松有生氣  
先生昔未來凶宅久荒棄先生今移居人吉松亦利  
長柯漸出檐圓陰忽滿地倚樹招清風抽簪得新意  
松聲和書聲先生以爲瑞氣王妖不興才奇天所庇  
笑作瑞松圖補入夷堅志

題細雨騎驢入劔門圖送張十七判官入蜀  
道渥

我醉正思鄉逢君將入蜀示我劔關圖鄉山如在目  
吁嗟乎故鄉之山何止千萬山劔門一角何足開心  
顏我不能歸君忽往遂覺此山入畫殊堪想白雨鳴  
山根青天壓驢背不知所歷高只訝峯巒退天梯盡  
處雙厓對萬古神功虧一簣孤閣補雲坳關開白雲  
潰看君振策入雲中爲我題詩驚海內倦陬生兩峯  
子各圖山一紙丹赭淋漓隨十指笑謂意中林壑應  
如此如掃大同殿爭畫嘉陵水彼何人哉吳與李古

今能事應相抵祇爲山寫意不爲山寫真足迹所未  
到髣髴傳其神此中逸興何清新惟君必欲預識山  
靈真面目持圖更問山中人我有山水情恨少丹青  
手棧雲幾度空飢走欲畫煙雲如掣肘出山已三年  
說山常在口送君且酌臨歧酒粉本聊憑詩一首知  
君到日靈光發坐對青山興超忽眼底有雄關懷中  
有仙筆臨風潑墨千峯出定使繞路羌童詫真絕莫  
辭細點關前樹畫出戎戎天外路寄我 帝城中離  
情託豪素令我懸圖白日對空堂鄉心一往如神助  
歸夢從君畫中去



遊天慶宮觀劉鑾塑像歌

劉鑾十指恐非指搏土爲神神不死墟象遙遙五百  
年逢人顧盼精神全我遊天慶宮謹誦覓土偶登堂  
見上帝嚇醒千年酒仙吏如麻各叉手相看轉覺生  
人醜道人捫鑰神揚揚爲余更啟東西廂兩廂乍啟  
風蕭瑟座上搖搖人盡活揚眉側耳振冠裳各指庭  
階如欲出帝以神應門當闕將帥何紛紜帝以神作  
衛後堂官府何清貴一廟千神統以天我驚天大忘  
其僞天道本虛無何須辨某某一登傀儡場便是芻  
靈也能走雲衫玉珮爾何人默守丸泥誇不朽吾聞

世人學道談天小豈知人不塑天天自好西法傳來  
象教尊諸天頭面從何考萬人伏地頭顙顙祇覺五  
斗米盜皆靈威誰能大笑空諸有看作元時土一堆  
八月二十一日雨中自題山水小幅  
秋山紅樹古時苦瓜蔓無心上老槐隱隱斷橋西去  
路高人何處抱琴來

秋夜枕上作

蟲聲如雨臥難安酒氣才消漏已殘夢裏不知秋月  
好半窗花影自清寒

八月二十六日徐壽徵

名理

送解菊

二十六輩團騰解一百九枝秋菊花爲我憑空添逸興  
感君持贈最風華壁蠟細飲千鍾酒繞逕分栽五色霞  
判與閒人同醉舞滿頭香影帽簷斜

蔬香樓歌寄蔬香老人王顧亭

廷言

老人爲

詩亭給諫之兄香甫秀才

廖生

之伯

蔬香樓渺何處煙波蒼蒼秣陵樹蔬香老人七十餘  
樓下種蔬樓上住我聞老人少時不家食三十年人  
二千石黑頭不願作三公一片春雲去無迹碧水丹  
山處處留卜居遊偏古揚州老來愛飲金陵酒孫楚  
樓邊築小樓古樹當窗藤葢瓦城中大隱如巖野自

鵲鴉黠課園丁不用鄰人供菜把江月亭亭風露涼  
四圍草木騰清香六朝金粉畱殘夢三楚雲山過夕  
陽我昔曾經桃葉渡未向東山尋謝傅北馬南船遂  
十年夢中猶識江頭路燕市何人共酒卮竹林小阮  
新相知分明傳語三千里遙指岑樓索贈詩吁嗟乎  
人生富貴何須屢梁肉似余一官匏繫真蛇足黃韋  
籬閒瓜豆垂眼前解金誰之屋塵海風沙草不勻舊  
遊苦憶江南春他時倘作登樓客小摘還須累老人  
御者趙才因焦僥求詩作絕句贈之

一年爲我範馳驅轅下同傷過隙駒除却趨朝常閉

戶不曾輕笑王人迂

嬾回東華踏軟塵每看花月慣留賓三更不敢蒙頭  
睡更駕疲驪送酒人

題主香圃隨園香雪海觀梅圖

買園三十年種梅七百樹何意守花人容君畫中住  
山寒風雪香院靜茶煙度疑有珮環聲花迷不知處

秋日

郭索一筐蟹零星三徑花故人常送酒薄宦未成家  
秋煖衣重典詩難手自爇書愁不到歸夢渺無涯  
兩峯道人畫昌黎送窮圖見贈題句誌之

不迎鬼自來苦送鬼不去咄咄韓昌黎幾爲鬼所據  
作文狀五窮破空琢奇句嬉笑雜悲哀千秋爲疑懼  
揚州老畫師清貧知鬼趣爲補送窮圖酸風拂絹素  
公今成神明沖然忘毀譽彈指歷數朝何妨鬼重遇  
怪君忽持贈欲展先猶豫君意在逐貪人心鬼難諭  
開圖動顏色一笑驚童姬鬼鬼候如生登堂良可慮  
夜闌鬼聲絕拈毫生妙悟人遊天地閒如鬼出墟墓  
靈光不滿尺熒熒草頭露白日走枯骸謹謹抱泉布  
殉名如殉財賢豪亦多誤生化幾推遷古今一朝暮  
飄風散浮雲渺不知其故擾擾一氣中幽明豈殊路

人來動以天鬼往迫于數來往只須與乾坤容小住  
鬼寧有窮達窮達因人附窮達兩俱忘鬼來著何處

### 秋夜

破窗風雨夜蕭蕭  
殷觥秋燈伴寂寥  
筆有靈光詩驟得  
胸無奇氣酒空澆  
不狂未必庸人恕  
多病終愁故國遙  
夢繞春明門外路  
冷煙衰柳一條條

魏春松筵上送陸杉石太守

元鑑

八蜀分韻

### 得直字

秋風吹征塵欲歸歸不得  
送公守西川  
屯然懷故國  
魏侯敞離席  
拈韻黃花側  
四座集賢豪  
人人舊相識

我爲公部人臨觴心翼翼醉後忽忘形狂歌劃胸臆  
梁州古天府形勢控西極天遙賦稅輕地大峯巒逼  
設教少詩書雜居混方域山川自阻深人心亦平直  
是豈無莠民民愚終易測願公酌寬猛開懷感以德  
餘力爲詩歌導之以文墨西音百年來大雅久衰息  
子弟頗聰穎師儒昧典則如木不繩削如馬不羈勒  
公性本舒和論文利用刻一郡樹規模一方有儀式  
中田雨露時何處生螟螣我家近涪水無產可耕植  
草堂三五閒松竹團秋色飢來難久住一官且謀食  
側聞諸父老憂貧常唧唧人滿沃壤窮此情殊可憶



與公幸同朝贈言豈容默慷慨陳土風公其恕狂惑

題林瑤圖照

丹鼎煮白雲青苔步黃鶴不聞流水聲梅花自開落  
攤書倚長劒光氣騰巖壑抱鄰對虛舟壯懷猶踴躍

初冬卽事

天心也爲客衣單十月霜風不冝寒良友人人貧似  
我通才往往拙于官敲門債急詩全廢量藥錢空病  
亦難畢竟故園兄弟好縱無溫飽尙團欒

十月十日病中題池南老屋圖

涪州張主簿賜寧畫

池南老屋幾時還想像琴書鎮日閒繞蒼檣聲如急

雨隔牕林影似深山門無惡客催詩債庭有寒花破  
酒顏稍喜丹青逢顧陸鄉心消遣畫圖閒

賀穀人前輩移居與劉澄齋馮魚山趙味辛  
何蘭士分體得七律

竹杖擔詩車載酒先生乘興便移居神仙入世原無  
定花月逢場自有餘問字人多深巷熟送窮文妙夜  
牕虛天寒痛飲休辭客正好頻來看著書

十月十日枕上作

纔然夜火又晨雞眠食消磨夢影迷忽憶故人如隔  
世偶拈佳句苦無題酸寒氣重心猶妙酬應詩多品

漸低倘遇通才思借問山林廊廟理應齊

寄懷孝豐令李許齋同年

山縣栽花又幾春離懷渺渺隔風塵久無箋記通芳  
訊却有傳聞美故人志士深心能養拙好官奇節在  
安貧平生知己惟君早何日來尋未了因

寒夜閨中作

蕭蕭風葉走虛廊新擁羊裘夜漸長燈下關門常負  
月鑪前溫酒不知霜瓦瓶養菊殘畱影石几攤書靜  
有香婢解聽詩妻解和頗無俗韻到閨房

冬夜讀李懷民五言律詩

名憲噩以字行  
山東高密人

元音來指上誰鼓一弦琴人外傳仙訣塵中寫道心  
暗泉流脈細孤月抱光深此境殊難得高懷自古今

題西山畫蘭竹

上人畫蘭竹拂紙見秋光不使禪機露因之楚趣長  
數竿花外影一箭雨中香髣髴曾遊處微雲度碧湘

送李平山太守之任台州

坦

有用真才少期君不負官馭民能簡要領郡自清安  
琴鶴虛名小風塵實政難贈言存古意慎勿笑酸寒  
送劉松嵐之任奉天

人高官定好噓氣亦清靈小婦司吟卷奇山入訟庭

邊雲霜後紫遼海雪中清應有朝鮮使抄詩滿驛亭

冬日閒居

裘敝猶存鄴書殘不養蟬直無浮世想始見古人心  
習靜身彌嬾多愁道未深廚煙蒸祿米素食愧朝簪  
老輩還相過寥寥四五人自忘年最少深望德爲鄰  
作達心原苦無才氣轉真虛名恐非福說項莫津津  
萬籟無聲後殘宵故故長苦吟窮膽力危坐見身光  
事簡妻孥靜神清筆硯香十年新舊夢過眼太蒼茫  
病覺鄉愁重貧傷祿養難夢歸聞笑語書到喜平安  
慰問勞田父甕飧仰縣官遙知風雪裏燈火正團欒

踏葉行吟好閒庭不掃除燕歸空壘大花盡短籬疎  
冷眼風塵外冬心草昧初形骸甘土木勝讀養生書  
苦調難酬世蕭閒自寫愁心平刪惡韻語重駭時流  
瘦骨窮逾鍊狂名悔漸收一編銷歲月原不望千秋  
甲寅十一月寄賀袁簡齋先生乙卯三月二

十日八十壽

舉世推前輩遙遙世四科仙雲微點綴銅印小摩挲  
清濁泉皆好風塵夢不多略沾春氣息花影鏡中過  
偏不住西湖幡然嗜好殊遠尋江令宅幻出輞川圖  
山在園中小人爲世上無願公忘結習莫更想蓬壺

萬物供遊戲婆娑八十年山林奇富貴花月豔神仙  
有欲人偏服無功世亦傳預完生死局哀挽及身前  
紙貴千九墨衣香萬壑雲名山都識面荒徼也徵文  
吐握情能到丹鉛老更勤古今才一石公在不曾分  
披卷靈光出宜尼不忍刪好詩堪下酒退筆定如山  
陡峽開神斧香雲解妙鬢世人爭格律誰似此翁閒  
小說兼時藝曾無未著書氣空偏博麗才大任麤疎  
考訂公能罵圓通我不如只今驚海內還似得名初  
壽許通才得皇天不忌名洗兒休恨晚罵佛轉長生  
白首還夫婦青山有弟兄閱人成幾世老眼莫分明

春好惟三月身強不杖藜老人同輩少生日百花齊  
燕樹情何遠江雲望轉迷莫愁千里隔相約醉如泥

冬日卽事

牆角聚空噉秋冬酒興豪疎籬圍徑曲孤樹陰門高  
歲晚蟲成繭晴風鳥晒毛閉關無一事詩債醉中逃  
人斷五更夢天畱數點星亂鴉盤曉日落木響空庭  
雲過地無影沙飛風有形晨光看不足萬象自虛靈

冬夜飲酒偶然作

先我生古人天心已偏愛卽以詩自鳴亦爲古人礙  
我將用我法獨立絕推戴本無祖述心忽已承其派



因思太極初兩儀已對待區區文字閒小同又何害  
惟應謝人巧隨意發天籟使筆如昆吾著物見清快  
悠悠三十年自開一草昧耽吟出天性如酒不能戒  
積卷堆尺餘境移真語在古人卽偶合豈能終一概  
我面非子面斯言殊可拜安知我眉奇不出五岳外  
月下與閨人飲酒

花冷覺衣香寒宵玉漏長月明宜鬢影人姣稱蟾光  
卽景成佳夢無愁已醉鄉閒情思作賦陶令本清狂  
使事

使事人不覺吾思沈隱侯書皆隨筆化心直與天謀

鐘定千聲在江清萬影流莫須矜獺祭集腋要成裘

送侯竹愚

坤

下第就廣東鹽大使

燕雀爭飛孤鶴老秋風吹冷科名草惜乎吾子不遇  
時一領青衫竟潦倒合格文多堆幾尺壯心磨盡頭  
先白沈淵真有泣珠人入海偏無釣鰲客去年燕市  
初相見落落交情古狂狷序君一卷梅花詩祇覺寒  
香生筆硯今年下第身難退却爲奇貧甘作尉才人  
末路就麤官我輩登朝良可媿殘冬古道多風雪醉  
指羊城將遠別從古人傳命必窮願君更鑄心如鐵  
吁嗟乎世儒貌儒心不儒文章科第久分途竟須燒

盡千時策自讀時人不讀書

戲題羅兩峯鬼趣圖

第一圖黑氣籠二鬼隱約見頭面自肩以下  
殆不可辨

黑霧濃煙望不真幾無形影尙摹神零星尸氣成何  
物閃爍靈光別有身漫駭泥犁多變相須憐鬼國少  
完人殘魂漸散難收拾好逐酸風到轉輪

第二圖一鬼銳頭赤足敝衣窮袴抗手前行  
一鬼削面瘦軀兩手捫腹著纓帽隨後若主  
僕然

夜臺誰與辨尊卑雙影遙遙絕可悲冠狗隨人空跳  
舞沐猴無髮尙威儀奴心已喪魂尤巧捷足如飛死  
未疲寄語閻羅逢此輩莫分鬼馬令同騎

第三圖美女衣紅衣左曳長袖右據男子臂  
男子執蘭媚之幽情慘戀偕行冷霧中有高  
帽白衣鬼持傘搖扇送之

幽魂相送白衣冠還與冰人一例看鬼手冷于前日  
否色心濃到此時難花迷泉路尸能笑月走陰風魄  
未殘畫出娉婷身後影退紅衫袖不勝寒

第四圖短鬼卓杖而立頭大如身一紅衣小

鬼僕背縮首捧孟侍其右

侏儒卓杖倚僬僥同餐黃壚酒一瓢  
鬼不爭長偏嫵媚身雖苦短亦消搖  
暴顯何處能容首小物從來慣折腰  
料得九幽天最矮人人台背學承蜩

第五圖長身散髮竟體純綠鷹目血口飛行  
雲霧中是兩峯親見于焦山者殆水魍非鬼  
也

白霧橫腰氣象雄長人披髮走空中身凝碧血騰千  
丈口爛紅雲嚼五蟲魔大定嫌天偏仄妖奇翻笑鬼  
朦朧焦山黑夜相逢處怪汝傳神筆有風

第六圖三鬼一鬼頭大如邱面目臃腫身僅  
如首兩手覆頷下匍匐逐二鬼一鬼綠色疎  
髮飛立張巨手如箕一鬼首如桃實上銳下  
豐束手回顧皆作驚避狀

頭重如山強步趨鬼窮還被鬼擲掄幾人毛髮無端  
豎鬚輩形骸太不拘大手憑空扇道路豐頤隨意插  
牙鬚笑他一樣衣冠客一鑿凶門貌便殊

第七圖雲霧浸淫半鬼籠破帽前行一鬼執  
傘蔭一鬼作避雨狀皆半身傘上復隱隱有

鬼面

風雷破膽夜三更逐隊遊魂避雨聲冷面無光相上  
下頑雲有路不分明一棺縱厭黃泉溼羣醜終難白  
日爭安得神龍齊攫食免教昏暮太橫行

第八圖青林黃草中黑石一叢藏枯體二具  
皆人立一倚石外向一據石內向蓋男女也  
愈能腐臭愈神竒雨束枯體委路歧對面不知人有  
骨到頭方信鬼無皮筋骸漸朽還爲厲心肺全空更  
可疑黑塞青林生趣苦莫須爭唱鮑家詩

排悶絕句

過眼榮枯感歲華繞籬寒木勢丫叉兒童莫動培根

士預養明年一院花

王導能行無理事任瞻甘作有情癡古人憤憤藏深  
意時輩譏彈定不辭

感事

冰簾雪硯歲將終不造奇文送五窮厚祿故人休念  
我敝裘雖冷尙禁風

消寒詩會第一集八冰詩初八夜

水面凝如鐵旗聲凍有威清嚴開武庫游戲寓兵機  
陟險心偏熱凌空勢欲飛千軍同凜冽誰奪錦標歸

冰



用汝作舟楫依然八尺牀臨深無夢夢解凍卽茫茫  
推挽難高枕平安羨野航分明天上坐不是黑甜鄉

牀冰

氣歛冬心肅冰藏歲亦窮竟遭人斧鑿轉羨雪消融  
冷脈通智井寒光照蟄蟲凌陰爭出納呵手畫幽風

雪冰

黑夜有炎涼冰燈吐燄長照來消熱念鑿處漏寒光  
影濕星沈水神清月裏霜三冬足文史底用探螢囊

燈冰

六出花飛後殘冰更作花開時真頃刻冷極轉風華

古大豐疑仙種春痕幻水涯色空誰共悟梅影萬枝斜

冰花

屋瓦融殘雪排簷滴每遲偏提銀鑿落倒挂玉參差  
爲竹堅多節無花凍一枝不逢韓吏部誰愛老父詩

冰箸

冰魚初上市宛在水中央冷淡難知味空明不善藏

冰鮮

烹鮮清見骨琢玉燦盈筐雅稱銀瓶酒江湖醉夢長

開瓮雪花殘黃齋沁齒寒凜然清士節淒絕腐儒餐  
隨分畱賓易憂民下箸難飲冰無一事素食愧園官

冰齋

甲寅十二月十二日

賞借半俸紀 恩述懷

殘冬愁積債借俸喜 新恩拜 賜先誇客催租莫

打門知時真雨露餞歲且饗殮一例霑 殊渥干官

笑語溫

得少仙書寄荅 十三日

墨經還鄉慘霜鴻得信遲謀生仍作客守禮定無詩  
景淡同遊處情過未別時表阡應有日須報故人知

題畢卓小像

舉杯兀兀從吾好背面安知俗人笑酒錢不足酒腸  
塞興到何妨聊作賊君不見畫中畢吏部瀾醉眠鸞  
閒不逢比舍郎誰復知其賢我思古今來無如醉鄉  
安醉鄉寬大無不可酒戶家家門不鎖不沽名不竊  
位便學穿窬亦清貴盜有道中聖人全無人欲惟天  
真披圖再拜心誠服呵筆畱題聲簌簌詩成黑夜窺  
鄰屋如此天寒酒應熟

畫落梅自題

一株老幹撐天去幾點寒香著地遲且與低頭弄花  
片不須回眼看空枝

臘月十五夜騾斃作詩弔之

服勞勝僮僕飢走亦風塵數馬非吾事無惟恕主翁  
廐空飛斷草門寂剩雙輪不忘車前影天寒爲愴神

十六夜庭中對月

都人屋逼庭如掌喜我空庭獨開敞殘冬連夜月盈  
庭一片銀濤動蕭爽初三月乍生十五月未滿十六  
月正圓光鎔一輪煖月行一杪酒一杯身如野鶴妻  
如梅女奴弄影各娟妙雞犬都從鏡中照常儀不在  
月酒星不在天空明一氣罩瀛海頓覺大千世界無  
物非真仙吁嗟乎百年空向愁中老萬古無如眼前

好詩成不許世人知擲筆天門爲畱橐

臘月十七日以朱樹聲所仿唐六如贊甲趨

朝圖贈邵五戲題一絕

文章一世早橫行我輩終須勝馬卿暫學俗人圖利  
市爲君題咏祝科名

臘月紀事 十八日

酒伴招邀逼歲除疲驪乍死出無車塵中且著游山  
屐醉後常思禿尾驢鶴不乘軒更清遠馬能知道尙  
麤疎歸來蹋壁南窗臥自續東方罵鬼書

十九夜

一日晴風十丈塵天光入夜轉清新繁星歷亂如殘  
客冷月孤高是古人藥裹香濃無意趣盆梅影小尙  
丰神病懷苦被詩情擾欲典寒衣作酒緡

蒯通墓

在京師廣渠門外八里莊墳外有井先是鬼  
常出汲明時有邱太守瓚墳其側鬼遂絕事  
載劉侗帝京景物畧葑亭給諫屬同人詳咏  
其事予因作歌

秦皇一生負扶蘇不法孔子偏坑儒違天懷諫何其  
愚項王一生負亞父玉玦無光甘縱虎身雖亡秦亦

亡楚淮陰一生負蒯通感恩不叛真英雄手提天下  
歸沛公沛公一生無不負屠戮功臣直烹狗不烹蒯  
通亦非厚吁嗟乎蒯生陰謀誠果斷如河辨口尤精  
悍但逞參分畫策奇不知天意終歸漢真龍欲興天  
下動縱橫舊說徒喧闐歎爾蘇張一輩人秦亡以後  
全無用二千年來尸不壞白日居然游塚外地下應  
慙酈食其井欄照影何光怪秦漢枯骸亦無數鬼奇  
未必妖能附爲厲須防伯有魂有人偏愛耍離墓與  
鬼卜鄰情亦重傷殘地脈翻成訟鬼不能爭爭以夢  
椎埋太守真狂縱鬼語醜醜亦淒絕鬼謀難挽人謀



決青烏秘術果神奇  
馬鬣初封鬼蹤滅  
陰爲相術陽爲巫  
一生蹤跡時時殊  
奈何沈吟千載後  
更與新鬼爭黃壚  
生將持此安歸乎

甲寅京師送竈

司命居然醉焚詩  
與送行報功惟飲食  
舉火卽神明  
小象廚人媚餘餉  
稚子爭素餐  
歸未得風雪故鄉情

雪中詩

銀雲凍不行  
玉樹何英英  
誰揉萬斛花  
委地輕無聲  
今年雪遲知  
雪好去春七日來  
猶早萬家祠  
竈歲將殘一片廚  
煙雪中裊太倉紅米大小市黃魚肥閒官

對雪不辭醉玉壺滿酌玻璃杯玻璃杯潔玉壺冷雪  
影都來捉人影欲借冰天月一盞爲添銀海波千頃  
一杯心骨清一杯客愁遣一杯陶陶天地煖醉中忽  
夢窮兒村萬點荒鴉一聲犬窮兒村夏秋苦雨春苦  
晴春晴妙作雨黍地無人耕倏忽秋霖出意外人人  
屋上蛟龍行蛟龍不食人人爲蛟龍死春死旱秋死  
水生作窮兒死窮鬼爲魚爲魃生頭尾闐然入我夢  
我夢何清寒我方醉司命司命同醺然雪花如掌撲  
人鬼但覺凌空一氣隨風煙吁嗟乎百年生死皆芻  
狗莫使深杯暫離手君不見竈鬼朝天走且僵腹中

幸有人閒酒

二十五日大雪中自吏部過堂歸錢雲巖同

年招同錢竹西孝廉

清履

游陶然亭值馮魚

山昆仲攜酒至小飲而去是夜同醉于魚山

寓齋之見山樓作歌紀之

瑤臺西去無人迹三日雪花深一尺錢郎發興游江  
亭攔街捉客驢馬驚十萬人中偏得我我薦君家癡  
叔可君家癡叔亦不癡笑披鶴氅來何遲飄飄同作  
凌雲氣不爲疲驟生死計雙車飛入玉乾坤一片銀  
濤忽無際銀濤靜不流仙之人兮登瓊樓西窗乍拓

見西極沙沙玉屑空中浮瑣碎露城市疎樹風颼颼  
萬物無根落雲海兜羅綿上寒光柔雪氣奪人人氣  
新此時直欲成天神靈境合變化回頭倏有人大馮  
君小馮君翩然就我如仙雲相逢大笑出意表只疑  
此亭下隔塵世千由旬憐予天半空搔首攜得人間  
一壺酒柳絮梨雲煖玉杯恒沙界外沈吟久風籟高  
寒畱不住馬蹄已沒來時路浮漚黑點低無數瞥見  
先生著書處先生好樓居樓如立錐小白龍白鳳爭  
旋繞遂覺城南惟有斯樓好雪飛人亦飛歸飛疾于  
鳥海鷹接翅來孤島轉眼前塵都浩渺舉頭觸樓柱

抗手如捫天樓中不盈丈偏欲開長筵鳴玉磬擊錦  
鼓天花爲我重飛舞君不見樓底千家復萬家閉門  
晝伏寒如鼠豈知臘雪清虛冰肺腑一年穢氣須全  
吐吁嗟乎一年穢氣須全吐一日之遊亦千古

謝范攝生師贈白驪

白羸腰穩四蹄輕也抵東坡玉鼻駢拜賜不須書馬  
券程材先遣試車聲搖鞭得路恩原重執御無能媿  
轉生來日師門同立雪春風吹汝莫長鳴

美人如意歌題書

美人一春情態嬾懷中花氣融融煖神仙風韻明月

光晝夜六時恒吉祥一堆繡被鶯呼起  
髣髴聞香自歡喜眼波嬌利心璫璫過人福  
慧天之功鸞裙鳳帶股身小不徒人好影亦好  
君不見金屋光鎔象牀膩靈珠奪目天然麗畫工  
拂紙心芽細畫出人中王如意

咏宋澄泥小硯

香羨銅雀外片瓦亦千金自得陶鎔力居然鐵石心  
塵沙空聚散筆墨幾升沈一硯平生足磨人亘古今  
歲除得雅存詩札

書來兼寄新詩卷對雪開緘酒自斟一代奇才堪屈

指百年交道更關心逢人未許輕持贈此事終宜待  
賞音瘴雨蠻煙天萬里花苗可解聽狂吟

甲寅除夕祭詩作

自甲辰至癸丑十年之中或遂寧或成都或  
京師或川江或棧道來往無常竟未嘗一年  
居一地惟今歲甲寅自元旦至今日皆在京  
師北半截衚衕寓齋醉後祭詩遂有此作

元旦至除夕一年如風去無迹十年奔走一年閒如  
此一年尤足惜春夏居此堂秋冬居此室翫月或連  
宵看花亦終日回首前塵劇可憐泥鴻逐處誰能必

今年得詩三百餘詩情也復時時殊稍喜無恙  
爲記事珠瞿唐劒閣

天子都安知故我非今吾今夜祭詩詩復來燭花笑  
我非天才安得此詩字字空中躍或化神龍或仙鶴  
使我一年奇氣從天落現出無量寶樓閣

船山詩草卷一